



**CANTON SARAJEVO**  
**Cantonal Civil Protection Administration**  
**Operational Center**

Broj: 22-04-44-35/19  
Sarajevo, 05.02.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

**REDOVNI IZVJEŠTAJ**  
**za period od 07:00 sati 04.02.2019. do 07:00 sati 05.02.2019. godine**

Prema posljednjim prikupljenim podacima stanje na području Kantona Sarajevo po pitanju poplava se normalizuje. Nivoi svih vodostaja su u opadanju. Ekipe Kantonalne uprave civilne zaštite Kantona Sarajevo su u toku jučerašnjeg dana obišle područja koja su najugroženija od poplava i uvjerali se da se stanje dosta poboljšalo u odnosu na prethodni dan.

Kantonalna uprava civilne zaštite Kantona Sarajevo je u skladu sa Zaključkom Vlade Kantona Sarajevo broj: 02-05-2486-1/19 od 04.02.2019. godine, jutros u 07:30 sati poslala ekipu svoje Profesionalne vatrogasne jedinice (dvije cistrene i četiri vatrogasca) u Općinu Busovaču kao pomoć u otklanjanju posljedica od poplava (obezbjeđenju pitke vode za stanovništvo ugroženih područja uslijed poplava).

**Općinska služba civilne zaštite Hadžići:** Ekipe Općinske službe civilne zaštite Hadžići i pripadnici njihovih službi zaštite i spašavanja su u toku jučerašnjeg dana bili na terenu i ustanovili da su sve rijeke i potoci u svojim koritima. Trenutno nema ugroženih ljudi kao ni materijalnih dobara. Bilo je nekoliko manjih nanosa i odrona na lokalnim saobraćajnicama koje su odmah uklanjene. U mjestu Gornja Korča, klizište na kojem su, prije pet godina, urađene preventivne mjere, aktiviralo se je i prijeto opasnost da isto zatvori potok Korča i da se stvori vještačko jezero. Pokrenuto je cc 500 m<sup>2</sup> zemljišta. Zbog ne pristupačnog terena, kao i snijega nisu u mogućnosti poduzimati bilo kakve radnje. Svakodnevno se vrši monitoring klizišta.



**Općinska služba civilne zaštite Vogošća:** Pripadnici Općinske službe civilne zaštite Vogošća su tokom jučerašnjeg dana izvršili obilazak nekoliko klizišta, gdje su vršili pregled odvodnih kanala i ustanovili da su u redu, izuzev jednog kojeg su odmah pročistili. U naselju Hotonj pročistili su jedan propust čime je uspostavljen normalan protok oborinskih voda. Sve rijeke i potoci su u svojim koritima. Nema ugroženih ljudi kao ni materijalnih dobara.

**Općinska služba civilne zaštite Ilidža:** Stanje na području ove općine je mnogo stabilnije u odnosu na predhodni dan. Pripadnici Općinske službe su bili na terenu i ustanovili da su rijeke i potoci u svojim koritima, te da trenutno ne prijete opasnost po stanovništvo kao i materijalna dobra. Podvožnjak Pejton-Otes kao i podvožnjak prema Osjeku koji su bili zatvoreni za saobraćaj sada su u funkciji i saobraćaj se odvija uredno.

**Općinska služba civilne zaštite Ilijaš:** Pripadnici Općinske službe civilne zaštite su obišli teren i ustanovili da je stanje na području ove općine uredno, izuzev par odrona na lokalnim saobraćajnicama koje su odmah uklonjene. Trenutno nema opasnosti od izlivanja rijeka i potoka iz svojih korita.

Od ostalih općinskih službi civilne zaštite s područja Kantona Sarajevo smo obavješteni da na teritoriji njihovih općina nema opasnosti od poplava.

**Profesionalna vatrogasna jedinica Kantonalne uprave civilne zaštite Kantona Sarajevo:** U izvještajnom periodu pripadnici Profesionalne vatrogasne jedinice imali su jednu veću intervenciju i dvije manje intervencije.

Veća intervencija je bila dana, 05.02.2019. godine, u 05:15 sati u ul. Prijedorska br. 2 u Općini Novi Grad. Požar je likvidiran u 05:44 sati. U gašenju požara učestvovalo je osam vatrogasaca sa dva vatrogasna vozila. U požaru je smrtno stradala jedna nepoznata osoba, dok je druga osoba lakše povrijeđena. Uviđaj je u toku. Pčinjena je veća materijalna šteta.

Manje intervencije su bile: jedna intervencija na gašenju zapaljenog dimnjaka i jedna tehnička intervencija podizanje zasatave ispred Narodnog pozorišta).

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 0°C, vlažnost zraka 96%, barometarski pritisak 951 hPa.



**BIHAMK:** Saobraćaj se na području Kantonu Sarajevo odvija po mokrom i klizavom kolovozu. Svi putni pravci su prohodni. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajući Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1